

Kayëta isasën ir Şaŋ in Lilaya in

Kayëta ijo, ar bano rend «Axarëk an» yëgwën baŋo këreceŋ ir këno wăcënd Gayos. Er kë sëyalind mëne aŋap yăpëk ekaca ed aye okëreceŋ odiyer el ex canayaxën ebalër ed aminëmëra and gër Yesu Kërisët aŋ. Bandixa band Gayos baŋ bax wăsinënd mëne afëb fëb baxo osëyali olo. Barikan Jotëref ababi wëlaya na okëreceŋ odiyer ok. Mëŋ gër kayëta ijo ro ašëkw šëkw këno Gayos do nëp këno Jotëref. Er ex gër akayëta in:

Ecëmar el: 1-4.

End apela and Gayos eŋ: 5-8.

End Jotëref eŋ: 9-10.

Ang yăpëk etëfëteli ed Demetëros el: 11-12.

Bepelatar beŋ: 13-15.

Ecëmar el

¹ Wëno Axarëk an ki yëgwënëlinde wëj Gayos, wëj ar ex imaŋe ind ðan këmo gë däl in. ² Wëj imaŋe ind ðan këmi mbaŋ ino, ašalen këmi šalenënd ey beta, exi yera mbaŋ do ey bëngw gër eman endey ang bëngwëk enjëw endey ak.

End bër olawënel eŋ

³ Wëno mbaŋ nëngandëra ke ga sëkati këne bëmaŋe do reyati këni mëne šenene fëb këy däl in do gër däl ijo këy liyand. ⁴ Wëno mbaŋ

ke nenganënd angëmene me wëlënd mène obaâ oram ol gër däl keni liyand.

⁵ Wëj imaÿe ind ñan këmi mbanj iño, ang ÿap këño ar xwëta këño Kaxanu ak këy rind gë dëk benjekax bend këyëbi rinënd bëmaÿe bëñ ado eni gi bëniyer. ⁶ Areyati reyati keni gër amara andebi ro end ang ki balënd bela ak. Axara këmi xarand eyëbi yëlëra şëlafana ir dãmana irebën ang këño ÿapan Kaxanu ak. ⁷ Eni deyaraxënënd end oŵac or Axwën eñ sebëragu keni oxun orebën oñ, xarak ax gi ex na eni cotëraxën gër bër benëng becëxe. ⁸ Awa aÿap ÿapëk enëbe mëlayande aye bela bërako bën ene kelaxëne gë bën andiyen and däl añ.

End Jotëref do gë Demetëros eñ

⁹ Ata kayëta iromax ÿëgwënëli këmun Amara andewën añ. Barikan Jotëref, mëñ ar këño nenganënd olëngw an, año balënd na end këme rend eñ. ¹⁰ Mëñ ex, and këme yeli añ, afut këme fut beñëñënax bend ko rind beñ ga këbo rexërand ako. Ado ax gi ex na eño fo ko rind: abi mëlayand na bëmaÿe bëniyer bëñ; bër këbi ÿandind enëbi mëlaya bën, ebi besara xali do ebi ñŵaÿ dëñ gër Amara.

¹¹ Wëj imaÿe ind ñan këmi mbanj iño, tēfētēlindēbi bër kē rind benjekax bën, bari ax gi ex na bër kē rind beñëñënax bën. Ar kē rind benjekax an, ar Kaxanu hi ko. Barikan ar kē rind beñëñënax an, año nang ex na Kaxanu.

¹² Ata bela bën dëk areya keni reyand enjekax end ko rind Demetëros eñ, nē end däl ir ex gër emëkw endexëm eñ. Biyi bëte enjekax fo këmi

reyand do aye nang këy mëne osede orebi ol dal
ex.

Bepelatar bej

¹³ Bendanjëm yëgwënëli domi, bari axe ñandi
ex na mi pelëra gë iñëgwaya. ¹⁴ Ayar këme
yarënd mi nëngali bakey baño dëŋ do axanar ke
xanarëxëye mopabër. ¹⁵ Kaxanu yëlëlexi obetak
ol! Odawo odey ok ašëma këni šëmand. Wëj
bëte cëmalëbi odawo odebi ok, ala kala gë oŵac
orexëm ol.

Oniyan
Oniyan: Oniyan (New Testament+)

copyright © 2017 Wycliffe Bible Translators, Inc.

Language: (Oniyan)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 21 Feb 2024 from source
files dated 29 Jan 2022

8b7902f3-5e35-5b89-86b2-c6da1be458b9